



# Årsmelding 2018

Rådet for menneske med nedsett funksjonsevne



## **OM RAPPORTEN**

Ansvarleg avdeling/eining: Rådet for menneske med nedsett funksjonsevne

Kontaktinformasjon/ e-post:

Dato/ev. versjonsnr.1

# Samansetning av rådet

Rådet for menneske med nedsett funksjonsevne vert valde for den kommunale valperioden.

Rådet for menneske med nedsett funksjonsevne frå 01.01.2018:

Leiar:	<b>Kjell Håland, A</b>
Nestleiar:	<b>Kjell Søvik, FFO</b>
Medlem:	<b>Ingeborg Hordvik, FL</b> <b>R/SV/Sp/KrF</b>
Medlem:	<b>May Eva Sandvik, H</b>
Medlem:	<b>Harald Norheim, SAFO</b>
Medlem:	<b>Inge Fiskvik, FFO</b>
Medlem:	<b>Nina Murberg, FFO</b>
Varamedlem:	<b>Kari Sørensen Bernardini, A</b>
Varamedlem:	<b>Toralv Mikkelsen, A</b>
Varamedlem:	<b>Jette Lunemann Hansen, A</b>
Varamedlem:	<b>Tore Svane, FFO</b>
Varamedlem:	<b>Siri Fransson, FL R/SV/Sp/KrF</b>
Varamedlem:	<b>Jostein Ljones, FL R/SV/Sp/KrF</b>
Varamedlem:	<b>Beate Husa, FL R/SV/Sp/KrF</b>
Varamedlem:	<b>Ragnhild Fagerbakke, H</b>
Varamedlem:	<b>John Torgeir Torsvik, H</b>
Varamedlem:	<b>Sissel Johnsen, SAFO</b>
Varamedlem:	<b>Laila Grosvold Nygård, FFO</b>
Varamedlem:	<b>Mona Røsvik Strømme, H</b>
Varamedlem:	<b>Asbjørn Halsebakke, FFO</b>

## REGLEMENT FOR RÅDET FOR MENNESKE MED NEDSETT FUNKSJONSEVNE

Rådet for menneske med nedsett funksjonsevne skal som regionalpolitisk pådrivar innanfor sitt ansvarsområde arbeida med overordna politikktutforming for menneske med nedsett funksjonsevne i Hordaland.

### 1. Samansetjing

Rådet har 7 medlemmer oppnemnde av fylkestinget.

3 medlemmer bør veljast mellom medlemene i kultur- og ressursutvalet, opplærings- og helseutvalet og samferdselsutvalet med ein frå kvart utval.

4 medlemmer vert valde etter forslag frå organisasjonane som representerer menneske med nedsett funksjonsevne.

Fylkestinget vel leiar og nestleiar.

Rådet vert vald for den fylkeskommunale valperioden.

### 2. Oppgåver

a. *Rådet for menneske med nedsett funksjonsevne kan innan sitt arbeidsområde:*

- Gi fråsegn til forslag til økonomiplan og årsbudsjett
- gi fråsegn til regionale planar med verknad for menneske med nedsett funksjonsevne
- gi fråsegn til saker som fylkeskommunale organ legg fram
- gi råd i alle saker som gjeld levekår for menneske med nedsett funksjonsevne knytt til fylkeskommunal verksemd

Rådet for menneske med nedsett funksjonsevne kan på eige initiativ ta opp saker som er relatert til fylkeskommunal verksemd.

Årsmelding 2018

For "Rådet for menneske med nedsett funksjonsevne i Hordaland" (RMNF)

**Rådsmøter**

Det vart i 2018 halde 6 ordinære rådsmøter. I tillegg kjem like mange arbeidsutvalsmøter (AU). AU-møtene vert haldne 2-3 veker før rådsmøtene, og skal i hovudsak førebu neste rådsmøte, men kan også handsama enkelte typer hastesaker. Det vart handsama 44 politiske saker og 37 meldingar. Rådet sin møtekalendar vert tilpassa dei politiske utvala sine kallendarar, slik at saker kan vidaresendast i rett tid.

## Saker

2018 har vore eit normalår og som dei fleste år tidlegare er det arbeid med høyringane som krev mest førebuing. I løpet av 2018 har RMNF handsama og gjeve uttale til 6 høyringar.

Då RMNF handsama:

**PS 6/18 Handlingsprogram 2018-2021 til Regional plan for folkehelse 2014-2025** vart det lagt til følgande:

*«Handlingsprogram til regionale planar skal reviderast etter plan- og bygningslova.»*

*Der plan- og bygningslova ikkje oppfyller Universell utforming er det likestillings- og diskrimineringslova som må gjelde.»* Bakgrunnen for dette vedtaket er at det er enkelte punkt i Tek17, i plan- og bygningslova, som etter RMNF si meining ikkje oppfyller krava til Universell Utforming.

Ei anna viktig sak var:

**PS 21/18 Høring av forslag til ny forskrift om pasientjournal**, der RMNF også gav uttale og der essensen i uttalen frå RMNF var at " *Alle som yter helsehjelp har plikt til å føre journal.*"

## Andre saker:

Parkeringssituasjonen for funksjonshemma utanfor fylkeshuset:

På rådsmøtet 21.03.19 vart parkeringssituasjonen for funksjonshemma, utanfor fylkeshuset tatt opp. Dei 5 parkeringsplassane langs Vestre Strømkai hadde ei tidsbegrensing på 2 timar, noko som skapte utfordringar i samband med møter i fylkeshuset. I juni kom svaret frå Bymiljøetaten i Bergen kommune, der dei bekrefta at dei vil starta ein prosess for å endra parkeringa frå 2 til 3 timar.

Transportordninga for funksjonshemma:

Dei fleste år har RMNF hatt ei sak eller to angående TT-ordninga (transportordninga for funksjonshemma). Regjeringa har i fleire år hatt gåande ei prøveordning om ekstra TT midlar, der målet er at alle som er godkjent for slik transport, skal få dekka inntil 200 turar i året, men Hordaland fekk ikkje noko tildeling i 2018.

Sak om endringar i regelverket for TT-ordninga i Hordaland fylkeskommune (PS 43/17) begynte i 2017 og vart avslutta i 2018. Her ga rådet ei klar anbefaling. RMNF er svært nøgd med å bli høyrte i denne saka, rådet sine anbefalingar vart teken til følgje.

Etablering av eit nasjonalt Eldre-, pasient- og brukarombod:

Årets nest siste sak var ei høyring om "Etablering av nasjonalt Eldre-, pasient- og brukarombod". Ei positiv sak som rådet slutta seg til.

## Deltaking på konferansar:

I februar var rådet representert på eit konsertseminar i Stavanger, arrangert av "Norske Konsertarrangører". Tema var tilgjengelighet i Kultur-Norge, med fokus på universell utforming. 13. og 14 september var fleire av medlemmene i RMNF på den årlege Landskonferansen for fylkesråd, denne gong på Hamar, med Hedmark fylkeskommune som vertskap. Tema for samlinga var "Annerledeshet", både i skule og arbeid. I mai vart det arrangert SOR-konferanse i Bergen, der nokre av rådmedlemmene deltok. Desse konferansane tar opp forhold om levekår og arbeidsforhold for psykisk

utviklingshemma. I november var fleire medlemmer i Oslo på ein kombinert konferanse, som var eit samarbeid mellom "Nordic Conference for universell design" og nettverket for universell utforming innan kollektivtrafikken. Rådet deltok også på Erfaringskonferansen i regi av Barne- og familiedirektorat.

## Medverknad

Det vart i løpet av 2018 nedsett ei "brukarmedverknadsgruppe for Bybanen, byggetrinn 4 – Bybanen til Fyllingsdalen" der både RMNF og kommunalt råd i Bergen er naturlege medlemmer i lag med representantar for brukarorganisasjonar.

RMNF har fulgt med i prosessen med Regionreforma og vedtaket om Vestland fylkeskommune. I oktobermøtet vart rådet orientert om prosessen så langt rundt samanslåing, av Hordaland fylke og Sogn og Fjordane fylke til nye Vestland fylkeskommune. Etter orienteringa gjorde rådet slikt vedtak:

*«Rådet for menneske med nedsett funksjonsevne ber om å bli tatt med i den vidare prosessen mot eitt råd for menneske med nedsett funksjonsevne, i nye Vestland fylkeskommune.»*

I oktobermøtet fekk ein også orientering om det nye fylkeshuset som er under planlegging, og etter orienteringa gjorde rådet slikt vedtak:

*«I samband med bygging av nytt fylkeshus, vil rådet for menneske med nedsett funksjonsevne at ein ser spesielt på følgjande tema:*

- 1. Når det gjeld ventilasjon, går ein ut frå at det vert overdimensjonert (ca 125%).*
- 2. Sikkerheit, godkjent brannheis som kan brukast ved evakuering.*
- 3. Parkering, det må etablerast nok HC-plassar. Dei fleste HC-bilar for transport av rullestolar er som oftast større enn vanlege bilar, spesielt høgare.*
- 4. Amfisal, her må ein finne ei løysing på korleis ein bevegelseshemma kan sitte saman med gruppa si, og så ta seg fram til talarstol. Dette gjeld samband med fylkesting, men også i andre samanhengar.*
- 5. Astma/allergi: Ved val av overflatar må ein tenkja «allergi og astma», og unngå støvfeller.*

*Rådet for menneske med nedsett funksjonsevne ser fram til å bli involvert i den vidare prosessen med nytt fylkeshus.»*

## Temadag

19. mars gjennomførte RMNF den årlege Temadagen, der alle dei kommunale råda vert invitert. Hovudtema i 2018 var "Velferdsteknologi". Som vanleg hadde ein dyktige lokale foredragshaldarar, men denne gongen hadde ein også fått tak i forskar Anita Vold, blant fleire dyktige foredragshaldarar. Vold var lenge tilknytta Universitetet i Oslo. Ho hadde mange gode råd til kommunane i samband med anskaffing av velferdsteknologi, men hadde også kritiske synspunkt ved bruk av slik teknologi.

## **Vedlegg 1**

Program for Temadag:  
Rådet for menneske med nedsett funksjonsevne 19.03.2018.



# Temadag RMNF 2018

## VELFERDSTEKNOLOGI

---

**MANDAG DEN 19. MARS 2018**

Scandic Hotell Ørnen, Lars Hillesgt. 18, Bergen

---

- Kl. 09:30      Registrering
- Kl. 10:00      Velkommen/opning ved leiar i Rådet for menneske med nedsett funksjonsevne i Hordaland, Kjell G. Håland
- Kl. 10:10      **Nordhordlandsprosjektet – Eit samarbeidsprosjekt mellom 10 kommuner i Hordaland om velferdsteknologi.**  
**Kari Eidnes Bjørkheim**, koordinator Nordhordlandsprosjektet, Lindås kommune.
- Kl. 11:00      Pause
- Kl. 11:15      **Teknologi – nytt verktøy – nye moglegheiter – ny kunnskap for alle involverte. Høgskulen på Vestlandet sin rolle.** Førsteamanuensis Mari S. Berge.
- Kl. 12:00 – 13:00      Lunsj
- Kl. 13:00      **For mykje «teknologihype» - for lite brukarfokus.** Erfaringer fra feltstudier. Ved Anita Woll, seniorspesialist, IKT, Rambøll Norge AS.
- Kl. 13:20      **Velferdsteknologi i den vidaregåande opplæring.**  
Morgondagens omsorg – velferdsteknologi – korleis vi har møtt kravet til opplæring i Sogn og Fjordane. Frå Stryn vidaregåande skule:  
Faglærar: Hege Bjørlo Sandbakk og Liv Elisabet Rygg.  
Elevar: Sunniva Leivdal og Kamilla Seljeseth.

PROGRAM

Kl. 14:00    Pause

Kl. 14:15    **Eit skråblikk på velferdsteknologi.  
Anskaffelsesprosessen.** Ved Anita Woll,  
seniorspesialist IKT, Rambøll Norge AS.


Kl. 15:00    Programmet slutt.







Rådsmedlemmane i RMNF, med møtesekretær. Medlem May Eva Sandvik var ikkje tilstades då biletet vart tatt.



**HORDALAND  
FYLKESKOMMUNE**

Agnes Mowinckels gate 5  
Postboks 7900  
5020 Bergen  
Telefon: 55 23 90 00  
E-post: [hfk@hfk.no](mailto:hfk@hfk.no)  
[www.hordaland.no](http://www.hordaland.no)

Hordaland fylkeskommune har ansvar for å utvikle hordalandssamfunnet. Vi gir vidaregåande opplæring, tannhelsetenester og kollektivtransport til innbyggjarane i fylket. Vi har ansvar for vegsamband og legg til rette for verdiskaping, næringsutvikling, fritidsopplevingar og kultur. Som del av eit nasjonalt og globalt samfunn har vi ansvar for å ta vare på fortida, notida og framtida i Hordaland. Fylkestinget er øvste politiske organ i fylkeskommunen.

